



## LYDENSTYD



Ons vier op die oomblik die belangrikste deel van die kerkjaar nl. Lydenstyd. Lydenstyd . begin met die Sondag van Verheerliking en Aswoensdag daarna. Daarna volg sewe Lydenssondae voor Goeie Vrydag. Die dieptepunt van Lydenstyd word tydens die Groot Lydensweek, Goeie Vrydag, Swart Saterdag en Paassondag bereik.

Die groot Lydensweek word vooraf gegaan deur Palmsondag en loop uit op die belangrikste gebeurtenis in die geskiedenis van die mensdom: Opstandingsondag en Paasfees!

Lydenstyd word gekenmerk deur verootmoediging, gebed, vas en die versorging van die armes. In Lydenstyd herdenk ons die tyd van Jesus se voorbereiding vir sy bediening waartydens Hy verskeie versoekings weerstaan het.

Dit is die voorbereiding en aanloop tot die viering van Christus se verlossingswerk aan die kruis en die nuwe lewe wat deur sy opstanding moontlik gemaak is. Ons word herinner daaraan dat die Een wat gekom het om te ly en te sterf aan die offerhout, ook die Koning van die heelal is.

Lydenstyd roep Christene op tot introspeksie, selfondersoek en bekering. Daarom word Lydenstyd gesien as 'n tyd van gestrooptheid en eenvoud waar elke gelowige op jou persoonlike verhouding met God fokus. Dit is ook die tyd waarin ons terugdink aan ons eie doop wat Jesus se afwassing van ons sonde deur sy kruisdood en die nuwe lewe wat Hy aan ons skenk in en deur sy opstanding simboliseer.

Die kleur van lydenstyd is gewoonlik pers – die kleur van lyding, maar daar is dae waarop 'n ander kleur gebruik kan word. Op Palmsondag en tydens die Groot Lydensweek is die kleur dieprooi, op Donderdagaand, vir die viering van die instelling van die nagmaal, is dit wit. Aswoensdag se kleur is grys en op Goeie Vrydag kan swart of grys gebruik word, of selfs geen kleur met net die natuurlike en aardse kleure van die hout en/of steen wat oorheers.

## GEBEDSBRIEF

Wonderboom Ned. Geref. Gemeente

14 Februarie 2021



Besoek ons **WEBTUISTE**: [www.ngkwonderboom.co.za](http://www.ngkwonderboom.co.za)  
U kan ook hier ons eredienste aflaai.

Bid asseblief dat ons **EREDIENSTE** egte ontmoetings met die lewende God sal wees!

Welkom aan elkeen wat vandag saam aanbid! Mag die Here ons in ons liefde vir Hom en mekaar seën! Geluk aan dié wat die afgelope of komende week verjaar/het!

LERAAR	TEMA	TEKS
Dr. Erika van Tonder 09:00	Rus in Jesus Christus	<u>Matteus 11:28</u> "Kom na My toe, almal wat uitgeput en oorlaai is, en Ek sal julle rus gee."
Daar is nie op die	oomblik eredienste	by Soetdoring nie.
Prop. Elané Sassenberg	Virtuele aanddiens	Harte wat skyn met liefde. 2 Korintiërs 4

## CORONA GEBED:

Bid vir ons land en die wêreld: 108 927 568 mense het wêreldwyd die virus opgedoen. 81 093 288 (74.45%) het gesond geword en 2 398 835 het gesterf (2.2%).

In Suid-Afrika het 1 490 063 mense dit gekry, 47 821 gesterf (3,2%) en 1 385 996 (93%) gesond geword. (Stats @ Sat 13/02/21 22:00).

### Bedroefdes

Rene le Roux en haar familie met die afsterwe van haar broer Dirk Bredenhann

Mitzi du Toit en haar familie met die afsterwe van haar eggenoot Pieter du Toit

Mariana Ludike en haar gesin met die afsterwe van dr. Johan Ludike

**Siekies**  
Dr. Chris Malan

### Offergawes en Loffer

Dankie aan almal wat getrou 'n offergawe gee. Ons leef in moeilike tye waar die gemeenskap en gemeente swaar trek.

U kan u dankoffer EFT of skandeer met Zapper of in 'n erediens of in 'n koevert by die kerk se posbus ingooi. Bid asb. vir die finansies van ons gemeente en gemeenskap.

Ons bankbesonderhede:  
NG Gemeente  
Wonderboom, ABSA Tjekrekening, Reknr: 526 015 1136 Sinoville tak 336945.



## Eredienste in Fase 3 van Inperking

Eredienste word uitgesaai tot 14 Februarie en daarna, van 21 Februarie af, sal ons eredienste oopstel met die nodige protokolle in plek. Daar mag ook nie op die oomblik huweliksbevestigings plaasvind nie. Daar kan wel begrafnisse gehou word met tot en met 'n maksimum van vyftig persone. Sanitering, sosiale afstand, maskers en registers is verpligtend. Skakel die kerkkantoor (Ninette) by 082 829 2062 voor Vrydag 12:00 om plek te bespreek.

Ons dank die Here vir hedendaagse tegnologie, want dit impliseer dat ons regstreekse uitsendings van begrafnisse en eredienste kan uitsaai, asook videos op youtube kan laai en klankbane kan opneem en uitstuur.

Ons werk daaraan dat ons vermoë om eredienste op te neem en uit te saai, sal groei en is ook van plan om, selfs wanneer die inperking gelig word, daarmee voort te gaan.

Dankie aan elkeen wat dit moontlik maak! Kom ons bid dat ons eredienste vir almal, of jy dit fisies of virtueel beleef, tot seën sal wees en dat God bo alles geëer sal word!

**Week van Gebed:** Op die oomblik is dit weens covid nie moontlik om ons beplande Week van Gebed soos gewoonlik op die geskeduleerde datums te hou nie. Ons gaan egter eersdaags met 'n weeklikse aanlyn Bybelstudie-/Omgeegroep geleentheid begin, wat soos ons die Week van Gebed beplan het, gaan aansluit by ons jaartema: **Leef vry in Christus!** Hou die pers dop vir meer besonderhede.

**Junior kategese:** Die Junior Kategese (Voorskool tot Gr4) begin volgende Sondag nadat die skole begin het. Ons sal hierdie week die registrasie moontlikhede op die groepe en daarna op die Gebedsbrief plaas. Ons hanteer die kategese in samewerking met ouers aanlyn aan die hand van die Sewe Familie Geloofsgewoontes. Besonderhede later.

**Senior Kategese:** Die seniors (Gr5-11) moet asb. aanlyn inskryf by [https://docs.google.com/forms/d/e/1FAIpQLSc6V1wJEvn6iOTPEdij3zXFDtyAsB6rBYFCaMtXh4YjJxqQA/viewform?usp=sf\\_link](https://docs.google.com/forms/d/e/1FAIpQLSc6V1wJEvn6iOTPEdij3zXFDtyAsB6rBYFCaMtXh4YjJxqQA/viewform?usp=sf_link). Die belydenisgroep van laasjaar moet asb. vir dr. Nelius (082 890 8820) of Elane (072 974 1864) kontak.